

Der c.v. Artickel.

Was vnser Hauptman / Verwalter /
Bergkmeister vnd Beschworne /
vermüg vnser Ordnung / beue-
len vnd schaffen / dem sol
gehorsam gelaistet
werden.:



Es das tenige / so Vnser Hauptman / oder
Verwalter / Bergkmeister vnd Beschworne /
vermüg diser vnser Ordnung / vñ nach bergk-
leufftigem brauch / mit Schichtmeister / Stek-
gern / Arbeitern / Gewercken / vnd allen andern
so inn bergkwercks sachen / vnd darnon her-
fließend vor ihnen zuthun haben / vnd zuthun
gewinnen / beuelhen / schaffen / weisen / gepie-
ten / zu nutz der notturfft vnd fürderung des bergkwercks / ihnen
aufflegen / darinnen sollen sie ihnen an widerrede gehorsam laisten /
vnd denselben volgethuen / vnd sich keines wegs / mit spitzigen vns
bescheidenen Worten vnd antwort / gegen ihnen einlassen / sondern
ein ieder sol vnd mag / seine notturfft vnd zurede / mit bescheyden-
hait darthun / würde aber das widerspiel befunden / so sol derselb
vbertreter mit ernst also gestrafft werden / das er vnsern missfallen
darans vermercken sol. Do aber iemands vermainte / ihme gesche-
he durch bemelte vnser Amptlente / vngütlich / oder ihm würde
wider die billigkeit etwas auffgelegt / der lass es mit beschaidenheit
an Vns gelangen / so sol alsdann gebürlichs einsehen fürge-
wandt / vnd die billigkeit verfügt werden / Damit sich
niemands mit gutem grundt / zube-
schweren haben sol.:



Das